

Yungzsuij:

Cienzciep Minzcuz Vwnzva Bang Duetgungz



Mboengqneix, youq ndaw mbanj lijyouz dohgyaj Yungzsuij Myauzcuz Swciyen Yanghfwnj Yangh, ciengz feihyiz ndangdaenj Myauzcuz baijyienh ndeu cingq baijyienj, “mohdwz bonjdieg” Yijbuz Cunh, daenj gij ndangdaenj Myauzcuz gyaundeiz miz daegsaek haenx hawj daihgaya yawj, langhbaij Myauzcuz gij minzcuz fungsug caeuq gyaundeiz daegbied haenx hawj vunzlai yawj. Hozdung dangngoenz, Yungzsuij “aendomq-gim” youqranz lingzvued couhnieb dieggoek guhyienh—Yungzsuij mehmbwk banggungz cehgenh、

Yungzsuij cauhnieb faegbauh dieggoek youq Yungzsuij Gwzvah-yinzcauj Myauzcuz Ndangdaenj Youjhan Gunghsw h aen dieggoek neix ndawde gawjhengz biengjbaiz yizsi. Faegbauh cauhnieb dieggoek souaeu 31 gya godijhu haeujbae, ndawde, miz 17 ranz dwg ranz gungzhoj laeb dangj laeb gaj, 4 ranz dwg gij daihhagseng dauqma mbanjranz cauhnieb, doenggvaq yiengh fuengsik neix, daiqdoengh gyoengqde saedyienh lingzvued couhnieb duetgungz demsou.

(Yinz Minjcinz/银敏晨 Vuz Fanghfangh/吴芳芳)

◀Mehmbwk Myauzcuz langhbaij ndangdaenj gyaundeiz.

Baksaek:

Siuhfangz Yingzgi Hwng Doeg Saw

4 nyied 23 hauh dwg ngoenz doeg saw seiqgyaiq, Bwzswz Si Siuhfangz Gouqcoengh Cihdui Dwzginz Cunghdui Yingzgi bouxboux cungj gyaenz doeg saw. Ngoenznaengz yinlen, siuhfangz cijcanyenz ngoenzngoenz yinlen ndangdaej, ndaep feiz, buet sang, benz sang, vaiq gyangq, youzraemx gouqcoengh, sezbei sawjungh daengj bonjsaeh, aenvih bouxsiuhfangz vwnzva cihsiz mbanj sang mbanj daemq, yaek gyagiengz hagsib, cungsad swheij, ndigah, yinlen gietsat gvaqlaeng seizhoengq, daihgaya cungj ndaej bae ranzaw vwnzva, diegnywj yingzgi, liengzdingz yawj saw, doeg saw, dem cihsiz, daezsang vwnzva suciz.

(Lanz Gingganj/蓝庆侃 Gauh Siengz/高翔)



▲ Bouxsiuhfangz caeuq lwgnyez ranz gungzhoj Yauzcuz itheij doegsaw.

Lozcwngz:

Giz Senjdieg Banggungz Dem Saw Moq



▲ Daxmeh caeuq daeglwg itheij yawjsaw.

Mboengqneix, youq ndaw ranzaw lajmbanj “aenranz Mulaujcuz” segih A dieg Lozcwngz banggungz senjdieg youq haenx, gyoengq bohmeb buenx lwgnyez hagsib, faenyienj gij yinxdaez ndaw saw. Daihngiehhaj aen ngoenz doegsaw seiqgyaiq daeuj daengz lo, Lozcwngz hawj “aenranz Mulaujcuz” gak aen ranzaw lajmbanj dem le saw moq, caemhcai guh ndei yawhfuengz gaemhanh binghraq, yiengq vunzlai mienxcienz hai ranzaw, dazyinx vunzlai senjdieg lai doeg saw, doeg saw ndei, rox doeg saw, cauh’ok aen fwnhvez naekna “daengxcungq beksingq doeg saw”.

(Liu Gvanghfuz/廖光福)

Vanzgyangh:

Bang Lwgnyez Louzsouj Gvaq Ngoenzseng

4 nyied 24 hauh, youq ndaw ranzhag hagdangz Vanzgyangh Mauznanzcuz Swciyen Da’anh Yangh Hinghcauz Siujyoz, buenx gij singgo ngoenzseng, 10 boux lwgnyez ranz gungzhoj louzsouj humx youq henz gau-gyaeq, riunymnyum dwk gangj maqmuengh ndei. Dangngoenz, gyoengq bouxgagnyienh Gvangjsih Lugen Cizdonz, daengz Hinghcauz Siujyoz guh “fwngz rag fwngz cienzoengq sim raeuj sim doxlien diemj rongh maqmuengh” aen cawjdaez hozdung gvansim gij lwgnyez louzsouj, soengq gij doxgaiq hagsib hawj gyoengqde, yienqmienx gyoengqde gaenx hagsib, baenz boux doiq guekcoj caeuq sevei miz yungh.

(Veiz Sui/韦睿)



▲ Bouxgagnyienh vih lwgnyez louzsouj gvaq ngoenzseng.